

Mulita...Mulèta

Tocc i donn, in di curtii e da sura ai ringhieri,
sentivan quant al rivava...” Mulita..mulita...mulita,
son che a giustà forbis e curtei, vegni dòn dal mulita “

Questu l' era al pusèe ates de tocc i olter ambulant,
“ Dòn dòn, gh' è che al mulita che al gà voia de laurà “
Tot quel che gh' era da mulèta, al pasava per la sua mola,
cunt al sò armamentari, sol davanti una casèta, in di pedaii
una mola, cunt la tola del' acqua, e certi volt al gh' era
un cornu de avis del so ariff.....

“ Tuttt, tuttt...sont rivà a fa al fil ai curtei e ai forbis “

La sua biciclèta, la sumeiava una machina spasial,
rifurnida de tot al necesari del laurà, che fadiga a pedalà,
Tanti volt al gà vegniva dà mulà, anca atress di paisaa,
al durmiva in di fienil, per fine al so mistèe,
tocc i vari atress de tai, vegnivan afilàa cumè rasu.
Certi volt al sa vediva anca a pee, cunt in spala al so mistèe,
certi volt ala ricerca d' un post per durmè, magari
cunt un mocc de paja infilada in un sach.....
cunt la voja de laurà, al se fa una butega,
restà in un post fess per al so mistèe,
sensa andà in di stradi pulverusi, e sugutà a pedalà,
al fen, pora biciclèta sgangherada, l' è stada demulida,
o metuda in un museo, per ricurdà i pedalat ch' el fasiva,
un ricord di temp indrèe, duè sa sentiva
la sua canson.....

“ Mulita..mulita...mulita,
son che a giustà forbis e curtei, vegni dòn dal mulita “

6-11-2017